

Na osnovu člana 14. Zakona o mladima Federacije Bosne i Hercegovine i člana 5. Sporazuma o regulisanju uzajamnih prava i obaveza na uspostavljanju i funkcionisanju "Centra za mlade" Zenica, Grad Zenica, putem Službe za boračko- invalidsku i socijalnu zaštitu, stambene poslove i društvene djelatnosti, objavljuje:

## **JAVNI POZIV**

### **za dodjelu prostorija na korištenje u "Centru za mlade" Zenica**

#### **PREDMET JAVNOG POZIVA**

##### **Član 1.**

Predmet ovog Javnog poziva je dodjela prostorija na korištenje bez naknade u "Centru za mlade" Zenica, koji se nalazi na adresi Jalijski put br. 5, 72 000 Zenica u cilju stvaranja i provođenja politika prema mladima u gradu Zenica.

##### **Član 2.**

Dodjela prostorija iz člana 1. ovog Poziva izvršit će se u skladu sa Pravilnikom o načinu korištenja i dodjele prostorija koje se nalaze u skopu "Centra za mlade" Zenica. Pravilnik o načinu korištenja i dodjele prostorija je dostupan na uvid u prostorijama „Centra za mlade“ Zenica, na adresi Jalijski put br. 5 i na web stranici Grada Zenice.

#### **PRAVO UČEŠĆA**

##### **Član 3.**

Pravo učešća po ovom Javnom poziva imaju omladinske organizacije sa sjedištem na području grada Zenice koje su upisane u Spisak omladinskih udruženja koje vodi Služba za boračko-invalidsku i socijalnu zaštitu, stambene poslove i društvene djelatnosti i organizacije koje se bave radom sa mladima.

#### **NAČIN KORIŠTENJA**

##### **Član 4.**

Organizacije kojima prostor bude dodijeljen na korištenje imaju mogućnost korištenje istih na period od godinu dana. Nakon isteka perioda iz stava I raspisat će se novi Javni poziv na koji se organizacije mogu prijaviti.

## Član 5.

Omladinske organizacije, odnosno organizacije koje se bave radom sa mladima, a koje dobiju mogućnost korištenja prostorija u "Centru za mlade" Zenica po ovom Javnom pozivu, su oslobođene plaćanja novčanih naknada za korištenje prostorija, ali su obavezne sudjelovati u sufinansiranju režijskih i drugih troškova nastalih u toku trajanja ugovora, a u skladu sa Pravilnikom o načinu korištenja i dodjele prostorija u "Centru za mlade" Zenica.

## Član 6.

Na kraju svake kalendarske godine omladinske organizacije, odnosno organizacije koje se bave radom sa mladima i koje dobiju mogućnost korištenja prostorija će biti obavezne podnijeti narativni i finansijski izvještaj Upravitelju centra koji će, potom, sačiniti i finalni izvještaj o radu "Centra za mlade" Zenica, te isti dostaviti Službi za boračko-invalidsku i socijalnu zaštitu, stambene poslove i društvene djelatnosti Grada Zenica do kraja januara naredne godine.

## Član 7.

Omladinske organizacije, odnosno organizacije koje se bave radom sa mladima, koje dobiju mogućnost korištenja prostorija trebaju kroz svoje aktivnosti i projekte doprinijeti daljem razvoju Centra i razvoju politike prema mladima na području Grada Zenice.

## **POTREBNA DOKUMENTACIJA**

## Član 8.

Obavezna dokumentacija za prijavu na Javni poziv:

1. Popunjen prijavni obrazac ( koji se može preuzeti na web stranici Grada Zenica)
2. Rješenje o registraciji udruženja ( original ili kopija ovjerena kod nadležnog organa)
3. Statut udruženja (ovjeriti pečatom udruženja)
4. Bilans stanja i bilans uspjeha za 2018 ( original ili kopija ovjerena kod nadležnog organa)
5. Narativni izvještaj udruženja za 2018 godinu

## PROVOĐENJE PROCEDURE PO JAVNOM POZIVU

### Član 9.

Proceduru ustupanja na korištenje prostorija u "Centru za mlade" Zenica provest će Komisija koju će imenovati Gradonačelnik, na prijedlog Službe za boračko-invalidsku i socijalnu zaštitu, stambene poslove i društvene djelatnosti Grada Zenice. Komisija će sve prijave koje pristignu po ovom Javnom pozivu pregledati, ocijeniti i izvršiti konačan odabir korisnika prostorija "Centra za mlade" Zenica, na šta saglasnost daje Gradonačelnik.

### Član 10.

Svi odabrani korisnici će zaključiti ugovor o korištenju prostorija sa Upraviteljem centra, udruženjem Reaktiviraj iz Zenice, sa kojim će međusobno regulisati prava i obaveze.

## NAČIN I ROK PODNOŠENJA PRIJAVA

Prijavni obrazac, sa obaveznom dokumentacijom, se dostavlja u zatvorenoj koverti na Protokol Grada Zenice ili preporučeno putem pošte, na adresu: Grad Zenica, Služba za boračko-invalidsku i socijalnu zaštitu, stambene poslove i društvene djelatnosti - Komisija za provođenje Javnog poziva za ustupanje na korištenje prostorija u „Centru za mlade“ Zenica, Trg BiH 6, 72 000 Zenica, Bosna i Hercegovina, sa naznakom: „Prijava na Javni poziv za ustupanje na korištenje prostorija u "Centru za mlade" Zenica - NE OTVARATI!“

Nepotpune i neblagovremene prijave neće se uzimati u razmatranje.

Rok za podnošenje prijava na Javni poziv je 15 dana od dana objavljivanja poziva na wb stranici Grada Zenica.

Sve dodatne informacije i pojašnjenja u vezi sa Javnim pozivom mogu se dobiti u staroj zgradi Gradske uprave Zenica, kancelarija 40- Kenan Uzunović, i na broj telefona 032/447-790.



**POMOĆNIK GRADONAČELNIKA**

**Sumea Mujkanović**